



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2297. Markgraf Ludwig verspricht mehreren Söldner-Hauptleuten in  
seinem Dienste bestimmte Geld-Entschädigung, am 29. Dezember 1350.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2297. Markgraf Ludwig verspricht mehreren Söldner-Hauptleuten in seinem Dienste bestimmte Geld-Entschädigung, am 29. Dezember 1350.

Wir Ludewig, van gots gnaden marggraf ze Brandenbuorg vnd ze Luficz, des heiligen romischen richs obirster kamrer, phallentzgrafen by Ryn, herzog in Beyern vnd in Kerntyn, graf ze Tyrol vnd ze Gortz vnd vogt der gotshuser Agley, Trient vnd Brihsen, Bekennen offenlich mit dissem brife, das wir den vesten mannen, Siffriet von Rotha vnd Bertold von Heldriet, dem got gnedik sie, fuer yren solt, zeruong, zwene meydem vnd zwey knechtispfert, der si vns eynen meydem vnd ouch eyn knechts pfert wider antworten suollen, als sie vns die vorrechent haben, gelten sullen funfzig marg Brandenburgs silbers. Ouch suollen wir Hanfen von Troffendorph acht vnd zwenzik marg, Heynrichen Fuorster vier vnd drysik marg, alles Brandenburgs silbers, yedim man besunderlich fur synen solt, zeruong, meydem vnd pfert gelten, doch also, das die vorgeannten Troffendorph vnd Fuorster yedir man eynen hengift, die sie vns vorrechent, sol weder antworten. Ouch sullen wir besuenderlich gelten Tynen von Helborg fur zerung vnd solt (gelten) fuonf marg Brandenbuorgs silbers. Vnd das vor genante gelt gelobe wir vnd vnse erben den vorgeannten vnd iren erben, ye dem man sin man zeal, den halben teil uf sene Walpuorg tag vnd den andern halben teil uf sene Michils tag, der dornach nehest kuomt, ze bezalen ader vns mit in dorvmb ze verrichten, als zitlich vnd mogelich ist, das yn billich dor an sol genuogen. Teten wir des nicht, was sei dar nach mit nachryeten an zeruong oder botenlon redelichen schaden nemen, den sullen wir in abe tuon mit dem vorgeannten houbtguete. Vnd was sie von vns ander brief doruber haben, die sullen vns vnd vnfern erben sin ane schaden. Mit vrchuonde disses briefes, Der gegeben ist ze Euerswalde, nach gotes gebuort dryzehen hundirt iar, dar nach in dem funfzigstem iare, an der mittwochen nach des heiligen Kripts tage.

Henneberg'sches Urkunden-Buch, II, 92.

2298. Eberhard Vogt vergleicht sich mit dem Grafen Johann von Henneberg wegen seines in der Mark erlittenen Schadens, am 1. September 1351.

Ich Eberhart Voygte, Dytzil, min suen, vnd Otto, mins bruoder suen, bekennen offentliche an dieseme briefe, daz sich der hochgeborne herre, vnser gnediger herre graue Johans zve Henneberg mit vns gericht vnd voer eint hate vemb allen schaden, den wir genuemen haben in sime dienste in der maerke an vemb vnser zerunge. Des blibet er vns schueldig zwei hundirt pfuent heller, die er vns gebin vnd gelten sol vf sant Jacobis taeg, der schierst kuemt mit sulcher vnderscheit. Wer, daz er vns des geldis niht bezalte mit bereitem gelte, soe sullen wir in sin hof riten vnd